

"মিষ্টি বাচ্চারা - মায়ার প্রভাব থেকে মুক্ত হওয়ার জন্য তোমরা প্রতি মুহূর্তে তোমাদের সত্যিকারের প্রিয়তমকে স্মরণ করো, প্রিয়তম এখন এসেছেন তোমাদের সব প্রিয়তমাদের নিজের সঙ্গে ঘরে ফিরিয়ে নিয়ে যেতে।"

প্রশ্ন : - কোন্ রহস্য জেনে যাওয়ার কারণে তোমরা বাচ্চারা সুখ আর শান্তি চাইতে যাও না ?

উত্তর : - তোমরা এই নাটকের রহস্যকে জানো। তোমরা জানো যে এই নাটক এখন সম্পূর্ণ হবে। আমরা প্রথমে শান্তিতে যাবো তারপর সুখের দুনিয়ায় আসবো, তাই তোমরা সুখ আর শান্তি চাও না, তোমরা তোমাদের শান্ত স্বরূপে স্থির থাকো। মানুষ তো নিজের স্বধর্মকেই জানে না আর এই নাটকের রহস্যকেও জানে না, এই কারণেই তারা বলে আমার মনকে শান্তি দাও। এখন শান্তি তো বাস্তবে আস্তার চাই নাকি মনের।

গীত : - প্রীতম এসো, মিলিত হও

ওম্ শান্তি। যেমন শাস্ত্রের কিছু কিছু কথা বোঝা যায়, এর মধ্যে গীতারও কোনো কোনো কথা ঠিক গানেও তেমনই। এখন প্রীতম শব্দটি ঠিক কিন্তু শরীর ডাকছে, শরীর তো ডাকে না। এই শরীরে থাকা আত্মা ডাকে, কারণ আত্মাই দুঃখী। পতিত আত্মা বলা হয়, তাই না? আত্মাতেই খাদ লাগে। আবার এই আত্মাই সতোপ্রধান আর তমোপ্রধান হয়। সত্যিকারের সোনাই আবার নকল হয়ে যায়। এমন কখনোই ভেবো না যে আত্মা নির্লিপ্ত। মানুষ ভাবে যে আত্মাই পরমাত্মা, তাই নির্লিপ্ত বলে দেয়। মানুষ অনেক দ্বিধায় থাকে। এ কার মত? এ হলো রাবণের মত? ঈশ্বরের কারণে মানুষ যা কিছু করে - যেমন ভক্তি ইত্যাদি মানুষ ঈশ্বরের সাথে মিলনের কারণেই করে থাকে। সবার এই একই কামনা, কেমন করে ঈশ্বরের সাথে মিলিত হওয়া যায়। আর এই কারণেই মানুষ যজ্ঞ, তপ, দান পুণ্য ইত্যাদি করে। তবুও ঈশ্বরকে পাওয়া যায় না। যদি ঈশ্বরকে পাওয়া যেত তাহলে মানুষ তীর্থে যেত না। মনে করো কারো কোনো দেব মূর্তির সাক্ষাত্কার হলো। কিন্তু সেও তো ঈশ্বর প্রাপ্তি হলো না। ঈশ্বরকে সকলেই ডাকতে থাকে.....হে পতিত পাবন, হে প্রীতম এসো, কেননা আত্মা খুবই দুঃখে থাকে। শরীরেও যদি আঘাত লাগে তাহলেও আত্মার সেই দুঃখের অনুভব হয়। আত্মা যখন শরীর থেকে বেরিয়ে যায় তখন সেই শরীরকে যা কিছুই করো না কেন, আত্মার কি কোনো অনুভব হয়? আত্মা আর শরীর যখন কন্ডাইন্ড থাকে তখন আত্মার অনুভব হয়। তোমরা বাচ্চারা জানো যে সত্যযুগে কোনো দুঃখ থাকে না কেননা সেখানে মায়ার রাজত্ব থাকে না। তোমরা এই পুরুষার্থ করো স্বর্গে যাওয়ার জন্য, যেখানে মায়া থাকে না। এই মায়ার রাজ্য এখন শেষ হয়ে এসেছে। মানুষ তো কোনো বিচারই করে না। তারা বলে যে মনে শান্তি নেই। আত্মার শান্তি নেইএই কথা কিন্তু বলে না। মনের কথাই তারা বলে দেয়। আত্মার মধ্যেই মন আর বুদ্ধি আছে তাই আত্মা বলে যে আমার শান্তি চাই। এমন নয় যে মনের শান্তির প্রয়োজন। আত্মা শান্তি চায়। তারা এও বোঝে যে আমরা আত্মার পরমধাম থেকে আসি। আত্মা এই শরীর রূপী যন্ত্র প্রাপ্ত করে। আত্মাই বলেপ্রীতম এসে মিলিত হও। এই শরীর দুঃখী। এখন এই জীব আর মনের কত তফাত। মন আর বুদ্ধি হলো আত্মার শক্তি আর এই শরীর হলো যন্ত্র। এই কথাকে আর কেউই জানে না। বাস্তবে আত্মার নাম নেওয়া উচিত। শান্তি তো আত্মারই প্রয়োজন। এখন আত্মা এই শরীর রূপী যন্ত্রের দ্বারা

বিকর্মের ওপর জয় লাভ করছে। এমন নয় যে মনের ওপর জয়লাভ করছে। তা নয়, পরমপিতা পরমাত্মার প্রীমতের সাহায্যে মায়াকে জয় করছে। বাকি মনের শান্তি চাইএ কথা বলাও ভুল। আবার এমনও নয় যে মনের সুখ চাই। আত্মা শান্তি চায় কারণ তার নিজের শান্তিধামের কথা স্মরণে আসে।

এখন তোমরা বাচ্চারা আত্মা আর পরমাত্মার ভেদ বা তফাত বুঝে গেছো। বাবা বলেন হে প্রিয়তমারা - তোমরা তোমাদের প্রীতমকে প্রতি মুহূর্তে স্মরণ করতে থাকো। প্রীতমও জানেন যে এদের ওপর মায়ার অনেক প্রভাব রয়েছে। প্রতি মুহূর্তে মায়া ভুল করিয়ে দিয়ে দেহ অভিমান নিয়ে আসে। আত্মা নিজে জেনে গেছে যেআমি হলাম শান্ত স্বরূপ। আত্মার স্বধর্মই হলো শান্তি। এই স্বধর্মকে ভুলেই আত্মা দুঃখী হয়ে ডাকতে থাকেআমার শান্তি চাই, মুক্তি চাই। এই শান্তির পরেই হলো সুখ। সন্ন্যাসীরা তো এই নাটকের রহস্যকে জানে না। শান্তির দেশকেও তারা জানে না। তোমরা কিন্তু পাক্ষা নিশ্চিত যে, আমরা আত্মারা হলাম পরমধামের বাসিন্দা। আমরাই ৮৪ জন্মের পার্ট করে এসেছি। এখন এই পার্ট সম্পূর্ণ হয়েছে। এই আত্মাই বলেআমরা প্রীতমকে পেয়েছি। ভক্তিমার্গে সবাই এই প্রীতমকে স্মরণ করে। সত্যিকারের প্রীতম এই একজনই। মানুষ এই একজনের নামই নেয়। তোমরা সবাই বুঝতে পারো যে আমরা প্রীতমকে পেয়েছি। এখন তিনি এই সাধারণ শরীরে বিরাজ করছেন যাঁর নাম ব্রহ্মা। তোমরা হলে ব্রহ্মাকুমার আর কুমারী। সবাইকে এইকথা বোঝাও। ব্রহ্মাকুমার, কুমারীদের সামনে প্রজাপিতা শব্দটি না আসার কারণে সবাই দ্বিধায় পড়ে যায়। প্রজাপিতা শব্দ না থাকার কারণে মানুষ বুঝতে পারে না। প্রজাপিতাকে তো সবাই জানে। ব্রহ্মাকে তারা সূক্ষ্ম বতনবাসী মনে করে নেয়। তোমরা যদি প্রজাপিতা ব্রহ্মা বলা তাহলে বুঝবে প্রজাপিতা ব্রহ্মাকুমার, কুমারীরা বরাবর আছে, তাই জিজ্ঞেস করা হয় প্রজাপিতার সাথে তোমাদের কি সম্বন্ধ? 'পিতা' এই শব্দ তো আগেই আছে। শিবকে পরমপিতা পরমাত্মা বলা হয়। এখন তোমরা জেনে গেছো, এক হলো পারলৌকিক পিতা, আর দ্বিতীয় হলো প্রজাপিতা ব্রহ্মা। লৌকিক বাবাকে তো তোমরা জানোই। তোমরা এখন তিন পিতাকে জেনেছো, আর কেউই দুনিয়াতে তা জানে না। সত্যযুগেও কেউ পারলৌকিক বাবাকে জানে না। সেখানে তাদের একজন পিতাই থাকেন। এখন এই সঙ্গমে তোমাদের তিন পিতা। এই তিন পিতাই এই সঙ্গম যুগেই সম্ভব। আর কখনো তা হতে পারে না। এক হলো উঁচুর থেকে উঁচু বাবা, যাঁর থেকে আশীর্বাদী বর্ষা পাওয়া যায়, দ্বিতীয় বাচ্চা ব্রহ্মা, যাঁর দ্বারা বাচ্চাদের দত্তক নিয়ে থাকি। ব্রহ্মা মুখ বংশাবলীর গায়ন আছে। দুনিয়ার ব্রাহ্মণরা বলে থাকেআমরা ব্রহ্মার সন্তান। কিন্তু এই কথা বুঝতে পারে না যে, আমরা ব্রহ্মার মুখ বংশাবলী। তারা হলো গর্ভজাত বংশাবলী। এই মুখ বংশাবলী কেবলমাত্র এই সময়েই হয়। শিবের জন্য মুখ বংশাবলী বলা হবে না। তাঁকে সবাই বাবা বলে মানে, তিনজন পিতা, শিববাবা আর প্রজাপিতা ব্রহ্মারই সমস্ত সন্তান। লৌকিকে তো আছেই। তাই এই কথা পাক্ষা স্মরণ করতে হবে। এরপর বোঝানো হয় - পরমপিতা শিববাবার কিন্তু কোনো শিক্ষক নেই। এই ব্রহ্মা বাবাও শিব বাবাকেই স্মরণ করেন। তিনিই হলেন পরমপিতা আবার পরম শিক্ষকও। তিনি রোজ ভিন্ন ভিন্ন প্রকারের শিক্ষা দেন। তোমরা জানো যে প্রীতম এখন তাঁর প্রিয়তমাদের বসে বোঝাচ্ছেন। তিনিই হলেন পতিত পাবন। তিনি আমাদের নিয়ে যাবার জন্য এসেছেন, দুঃখ থেকেও তিনিই মুক্ত করেন। তোমরা জানো যে এই দুঃখের নগরী বদল হয়ে সুখের হবে। এই রাবণ রাজ্য শেষ হয়ে যাবে। অবশেষে মৃত্যু তো আসবেই। রাবণের ভূতও এখানেই বানানো হয়। রাম রাজ্য আর রাবণ রাজ্য। বাবা এসে বোঝান, এই রাবণই তোমাদের ভারতবাসীদের থেকে রাজ্য ছিনিয়ে নিয়েছে। হার আর জিত তোমাদের

ভারতবাসীদেরই হয় । রাবণ রাজ্য এলে তোমরা বাম মার্গে চলে যাও । রজো , তমো হতে হতে তোমরা তমোপ্রধান হয়ে যাও । রাবণকে তোমরা এখানেই জ্বালাও । বরাবর এ হলো রাবণ রাজ্য । বাকি সীতা হরণের কোনো কথাই নেই । এ তো রাবণেরই রাজ্য । সব মানুষই এই রাবণের রাজ্যেই আছে । রাবণ রাজ্যে থাকে দুঃখ আর রাম রাজ্যে থাকে সুখ । রাম কিন্তু ভগবানকেই বলা হয় । তোমাদের বুদ্ধিই সেখানে যায় আর কারোর বুদ্ধিতেই এই বিষয় নেই । বাবা এসেই তোমাদের বুদ্ধিকে পরশ পাথর বানান । তাই বরাবর তাঁর নাম রাখা হয়েছে পারশনাথ । সেখানেও বিষ্ণুর দুই রূপ আছে । এই কথা বুঝতে কতো জটিলতা । বাবা বসে সম্পূর্ণ বুঝিয়ে বলেন ।

তোমরা এই গানের একটি মাত্র শব্দ শুনলেই জেগে যাবে । কোনো কোনো গান খুব সুন্দর । তোমরা এখন যাত্রায় যাচ্ছো । জানো কি , রুহানী যাত্রা আমরাই করি । বরাবর এই আত্মাদের পান্ডা একজনই । এখন তিনি তোমাদের দুঃখ থেকে উদ্ধার করে নিয়ে যান । সবার গাইড ওই একজনই । সবাইকে মুক্তিধামে ফিরিয়ে নিয়ে যেতে তিনি নিজেই আসেন, যেহেতু ওঁনাকে সবার সঙ্গতি করতে আসতেই হয় । তাই যে কোনো রূপেই তাঁকে আসতে হবে । তোমরা যখন ঘরে থাকো তখনই তাঁকে আসতে হয় । বরাবর শিবরাত্রির গায়ন আছে । যে কোনো মানুষকে জিজ্ঞেস করো, শিব তো নিরাকার, তাহলে তাঁর রাত্রি কিভাবে হয় ? তাঁর নাম আর রূপ নেই, তাহলে তাঁর রাত্রি কিভাবে হয় ? তাঁর লিঙ্গ রূপ দেখানো হয়যাঁর নামও আছে, রূপ , দেশ আর কাল বা সময়ও আছে । তাঁর মহিমাও গাওয়া হয় যেসুখের সাগর, তাহলে অবশ্যই তিনি সুখই দেবেন, তাই না ? এখন সকলেই পতিত । যিনি গুণবান তাঁর সামনে গিয়ে মানুষ গায়আমাদের মধ্যে কোনো গুণ নেই । আমরা নিগুণ , কালো হয়ে গেছি । এ তো কালো দুনিয়া । কালো বেগুনে কোনো গুণ থাকে না । কালো অর্থাৎ পতিত মানুষদের মধ্যে কোনো গুণ থাকে না । গুণ তো যারা গোরা বা পবিত্র হয়, তাদের মধ্যে থাকবে । তোমরা এক বাবার কথাই শোনো, অন্য কারোর কথা তোমরা শোনো না । একজন আর একজনকে এই জ্ঞানের পয়েন্টসই শোনাও । রিপিটও করাও । এখানে তোমরা যে সুখ পাও বা যে ধারণা করো তা খুবই ভালো । হোস্টেলে লোকে অল্পদিনের জন্য আসে, কেউ চার দিন, কেউ বা ছয় বা আট দিনের জন্য আসে । তারা বসে বাবার থেকে শুনতে থাকে । তোমাদের যেন এমন নিশ্চয়তা আসে যে আমরা মাতা - পিতার সাথে এক ঘরে বসে আছি । এ হলো ঈশ্বরীয় ঘর । দোর বলো বা ঘর , কথা একই । দোরে এসেছো মানেই ঘরে এসেছো । তাই এ হলো ঈশ্বরীয় ঘর, সবাই ভাই - বোন, তাই একে ইন্দ্রপ্রস্থও বলা হয় । এই জ্ঞান হলো পরীদের গল্পের মতো, নশ্বর অনুসারে নাম রেখে দিয়েছে । এ হলো শিববাবার দরবার । এখান থেকে বাইরে গেলেই তোমাদের অবস্থায় রাত দিনের তফাত এসে যায় । যারা সেবায় যায় তাদের বুদ্ধিতে থাকে যে কিভাবে সেবা করবে । এই নাটকের চক্রকে বোঝানোও খুবই সহজ । আমরা এখন তৈরী হচ্ছি, বাবা আমাদের নিতে এসেছেন । এই ব্যাগ ব্যাগেজও গুছাতে হবে । তোমরা তোমাদের পুরনো খড়তুল্য মূল্যহীন যা কিছু বাবাকে দিয়ে দাও আর বাবা তার বদলে তোমাদের সোনায় ভরিয়ে দেন । তোমরা জ্ঞান মানস সরোবরে ডুব দাও । এ হলো পড়ার কথা যা শুনে তোমরা স্বর্গের পরী হয়ে যাও । বাকী পরী আর কেউই নয় তাদের পাখা ইত্যাদি থাকে না । সেখানকার মহল, গয়না ইত্যাদি কেমন সুন্দর হবে । এখন মায়া তোমাদের ডানা ভেঙ্গে দিয়েছে, তোমরা উড়তে পারো না । এ হলো বোঝার কথা । বোঝানো হয় যেআত্মা হলো রকেটের মতো । রকেট উপরে যায়, তখন মানুষ মনে করে ঈশ্বরের কাছাকাছি গেছে । এখন ওখানে কি ঈশ্বর বসে আছেন ? এ হলো আত্মাদের সৈন্যবাহিনী যা সেখানে যায় । এই কথা বুদ্ধিতে থাকা চাই যেবাবা হলেন আমাদের পান্ডা । তিনি অনেক আত্মাদের একসাথে নিয়ে যান । বাবা বলেন,

এই হলো আমার কাজ । আমি সহজ রাজযোগ আর জ্ঞান শেখাই । আমি হলাম সম্পূর্ণ জ্ঞানী । আমি অবশ্যই আসি আর এনার মধ্যে বসে তোমাদের নিজের পরিচয় দিই । যেমন তোমাদের আত্মাদের মধ্যে ৮৪ জন্মের পার্ট ভরা রয়েছে, তেমনই আমার মধ্যেও আছে, যা আমি রিপিট করি । তোমাদের পার্ট হলো অনেক বড় । আমি তো অর্ধেক কল্পের জন্য বাণপ্রস্থে চলে যাই । তোমাদের পার্ট হলো অলরাউন্ড । মানুষ বলে যে ভগবান এই সৃষ্টি রচনার প্রেরণা দিয়েছিলেন, তারা কিছুই বুঝতে পারে না । বাবা বলেন, আমার পার্ট যখন আসে, তখন আমি এই সাধারণের শরীরে প্রবেশ করে তোমাদের রাজযোগ শেখাই । আমি তো কোনো গর্ভে আসি না । অবশ্যই কোনো মানুষের শরীরে এসে রাজযোগ শেখাবো নাকি কচ্ছ বা মচ্ছতে আসবো ? আমি কিভাবে পতিতকে পবিত্র করিএও তোমরাই জানো । আমি বসে তোমাদের শিক্ষা দিই । পরমপিতা পরমাত্মা এসে সহজ রাজযোগ আর জ্ঞান শিখিয়ে তোমাদের বিশ্বের মালিক বানান, এনাকে জাদুকরও বলা হয় কারণ ইনি নরককে স্বর্গ বানিয়ে দেন । তোমাদেরও সমস্ত রহস্য খুব ভালোভাবে বুঝিয়ে বলেন । এই সৃষ্টির বিনাশ কিভাবে হবে ? মানুষ নিজেদের মধ্যে কিভাবে লড়াই করবে ? রক্তের নদী কিভাবে বইবে ? এইকথা বাবা বসে বুঝিয়ে বলেন । পাল্ডবরা কি কখনো লড়াই করে ? বাবা বলেন যেদেহ অভিমান ছেড়ে এক আমাকে স্মরণ করো । তাহলে অন্ত মতি সেই গতি হয়ে যাবে, তত্ত্বের যোগীরা ভাবে যে তারা ব্রহ্মতে লীন হয়ে যাবে । কিন্তু ব্রহ্মতে বা জ্যোতিতে কেউ লীন হয়ে যায় না । বাবা বলেন, 'মনমনাভব ।' তোমাদের মাথার ওপর অনেক বিকর্মের বোঝা আর এই স্মরণের দ্বারাই এই বিকর্ম বিনাশ হবে । না হলে ধর্মরাজের দ্বারা অনেক সাজা খেতে হবে । আমাদের তো কেবল শিব বাবাকে স্মরণ করা চাই । যদি অনেক সময় ধরে স্মরণ না করো তাহলে শেষের দিকে সেই স্থিতি বা অবস্থা পাবে না । অনেক সন্ন্যাসী বসে বসেই দেহত্যাগ করেন । ভক্তদের মহিমাও কিছু কম নয় । তবুও তো পুনর্জন্ম তাদের নিতেই হবে । এখন বাবা বলেন, আমি সমস্ত আত্মাদের সাথে করে নিয়ে যাই । তোমাদের যেন রাত - দিন এই চিন্তা থাকে যে কিভাবে বাবার পরিচয় দিতে হবে । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত ।
রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) এক বাবার থেকেই শুনতে হবে । অন্য কারোর কোনো কথা শুনবে না । জ্ঞানের কথাই মুখে রিপিট করতে এবং করাতে হবে ।

২) বাবার সাথেই ফিরে যেতে হবে তাই পুরানো খড়কুটোর মতো সংস্কারকে দিয়ে ব্যাগ এবং ব্যাগেজ ট্রান্সফার করে দিতে হবে । সবাই যাতে বাবার পরিচয় পায়এই এক চিন্তায় থাকতে হবে ।

বরদান: - ব্রাহ্মণ জীবনে স্মরণ আর সেবার আধারের দ্বারা শক্তিশালী হয়ে মায়াজিত হও ।

ব্রাহ্মণ জীবনের আধার হলো স্মরণ আর সেবা । যদি এই স্মরণ আর সেবার আধার দুর্বল হয় তাহলে জীবন কখনো তেজ আর কখনো টিলে চলবে । কারোর সহযোগিতা যদি পাও, কারোর সাহায্য বা উপযুক্ত পরিস্থিতি যদি আসে তখনই চলতে পারবে নতুবা টিলে হয়ে যাবে এই কারণেই

স্মরণ আর সেবা এই দুয়েতেই তীব্রগতির প্রয়োজন । স্মরণ আর নিঃস্বার্থ সেবা থাকলেই মায়াজিত হওয়া খুবই সহজ, তখন প্রতিটি কর্মে বিজয় দৃশ্যমান হবে ।

স্লোগান : - সেই বিঘ্ন বিনাশক হতে পারে যে সর্বশক্তি সম্পন্ন ।